

անհաւատից : Այլ եւ ի հաւայն արձակէին բա-  
 զում խամիչէ (սրուակս) <sup>1</sup>, զոր յոյժ բարձրա-  
 ցեալ՝ ապա պայթէին . այլքն բարձրացեալ ի  
 վեր բազում մասունս ցրվեալ այլ եւ այլ ձայնս <sup>55</sup>  
 արձակէին . եւ այլք վերացեալ որպէս ջուր՝  
 գհուրն հեղուին ի վերայ մարդկանց . եւ յայ-  
 լոց հնչմունք, բզրջմունք ելանէին : Եւ այլ  
 բազում իրս եւ գործս անտեսս եւ անհնարս  
 տեսաք, որ բնաւ չէաք տեսեալ, զոր ոչ կա- <sup>60</sup>  
 բեմ մի ըստ միովէ գրել :

Իսկ յետ այսր ամենայնի գոռոզն անբար-  
 տաւան հպարտութեամբ շարժեալ դայր մորն-  
 չելով եւ պարծէր ցուցանելով զբանալին թէ <sup>65</sup>  
 ի՛մ է զօրութիւն, ի՛մ է իշխանութիւն եւ ի՛մ  
 է յաղթութիւն . եւ ո՞վ կարէ կալ առաջի իմ :  
 Իսկ Գաբրիէլ վազեաց ի վերայ եւ յափշտա-  
 կեաց ի նմանէ զբանալին եւ եհար դեղար-  
 դեամբ զկուշտն եւ ել հուր ի սլաքէն եւ մտեալ  
 ի նա՝ սկսաւ այրել ի գլխոյն մինչեւ յօտան . <sup>70</sup>  
 եւ այնպէս յերկար, մինչեւ ի սպառ այրեցաւ  
 եւ մնացեալն անկաւ ի վայր . զոր եւ մարդիկն  
 կոխան արարեալ զփոշին յօգս ցանէին . եւ  
 ձայն բարձրացեալ աղաղակէին՝ ասելով .  
 Քրիստոս յարեաւ ի մեռելոց . ըստ այնմ՝ Այժմ <sup>75</sup>  
 իշխան աշխարհիս այսորիկ ընկեսցի արտաքս :  
 Ապա սկսան մեծամեծ թօփեր արձակել եւ  
 անհամար թըֆաքնի՝ նախ ի մօտանն, ապա

57 մարդկաց եւ այլոց : — 63 մոնջելով : —  
 66 կեալ : — 72 մարդիքն : — 76 այսորիկ... յարտաքս :  
 — 78 յանհամար :

<sup>1</sup> Դատարկ :